



**Nærøyfjorden
verneområdestyre**

Postadresse
Njøsavegen 2
6863 LEIKANGER

Besøksadresse
Onstadvegen 25
5745 Aurland

Kontakt
Sentralbord: +47
Direkte: +47 5764 3129
sfvlpost@statsforvalteren.no
<https://www.nasjonalparkstyre.no/naroyfjorden>

Siv Lisbeth Tønder
Rekdalsvegen 125
5151 STRAUMSGREND

Saksbehandlar Anbjørg Nornes

Vår ref. 2022/4691-0 432.2

Dykkar ref.

Dato 17.08.2022

Delegert vedtak

Delegasjonssak	18/2022
----------------	---------

Dispensasjon - delegert vedtak - Nærøyfjorden landskapsvernområde - Drægo til Hjølmo - motorferdsel på barmark - utvida transportperiode

Delegert vedtak

*I medhald av delegeringsreglement vedteke av Nærøyfjorden verneområdestyre
30.11.2015, vert det gjort fylgjande vedtak:*

Nærøyfjorden verneområdestyre gjev Siv Tønder utvida løyve til å køyra med traktor med tilhengar på landbruksvegen frå Drægo og opp til stølshuset på Hjølmo for frakt av materiale og utstyr til restaurering av svala på stølshuset. Transportperioden er utvida frå og med 17.08 til 31.10.2022. For løyvet gjeld dei same vilkåra som vart gitt i delegert sak 5/2022 – Nærøyfjorden verneområdestyre.

Løyve er gjeve med heimel i verneforskrifta for Nærøyfjorden landskapsvernområde og naturmangfaldlova § 48 fyrste ledd og fyrste alternativ.

Vilkår for løyvet i delegert sak 5/2022:

- Det kan køyrast inntil 6 turar (tur/retur) med traktor i løyveperioden frå 20.05 til 31.10.2022.
- Førar av traktoren er Tor Ljone Henriksen.
- Køyring med traktor skal avgrensast til det som er naudsynt for frakt av til materiale til og frå stølshuset. Arbeidet skal planleggjast slik at det vert færrest moglege køyreturar.
- For å avgrensa køyreskadar, skal det ikkje køyrast i periodar med mykje nedbør.
- Det skal sendast rapport til sekretariatet for verneområdestyret innan 31.12.2022 om gjennomført transport.

Dersom det er mogleg, skal transporten samordnast med anna transport til Hjølmo som er gitt løyve til i same tidsrom.



Dokument i saka

- Søknad frå Siv Tønder om utvida tidsperiode for transport mellom Drægo og Hjølmo, datert 16.08.2022
- Delegert sak 5/2022 Nærøyfjorden verneområdestyre, Dispensasjon – delegert vedtak – Nærøyfjorden landskapsvernområde – Drægo til Hjølmo – motorferdsel på barmark

Dersom det er mogleg, skal transporten samordnast med anna transport til Hjølmo som er gitt løyve til i same tidsrom.

Dette løyvet gjeld berre tilhøve etter verneforskrifta. Det må i tillegg søkjast om løyve frå Aurland kommune etter lov om motorferdsel i utmark, og innhentast løyve frå aktuelle grunneigarar.

Søknaden

Nærøyfjorden verneområdestyre gav Siv Tønder dispensasjon til å køyra med traktor og tilhengar på landbruksvegen frå Drægo og opp til stølshuset på Hjølmo for frakt av materiale og utstyr til restaurering av stølshuset. Løyvet var gitt for perioden 12. juli til 16. august 2022. På grunn av mykje regn i sommar, har tømmerarbeidet tatt lenger tid, og dei har ikkje køyrt i området for å unngå skade køyreskade i terrenget. Dei søkjer difor om utviding av transporttida til 31.10.2022. Det vert ikkje søkt om fleire turar.

Søknaden er vurdert i samsvar med

- Forskrift om vern av Nærøyfjorden landskapsvernområde av 08.11.2002
- Naturmangfaldlova av 19. juni 2009
- Forvaltningsplan for Vestnorsk fjordlandskap, delområde Nærøyfjorden, rapport nr. 1 – 2008

Verneforskrift og verneformål

Føremålet i Nærøyfjorden landskapsvernområde er definert i verneforskrifta § 2: *«Føremålet med Nærøyfjorden landskapsvernområde er å ta vare på eit vakkert og eigenarta natur- og kulturlandskap frå fjord til fjell i eit storfelt isbreutforma landskap med eit mangfald av planteog dyreliv og der eit kulturlandskap med slåtteteigar, beitelandskap, stølsområde, gardsbruk og kulturminne, skapt gjennom aktiv landbruks-drift, utgjer ein vesentleg del av landskapets karakter»*. Alle inngrep eller tiltak som kan endre eller verke inn på landskapets art eller karakter er forbode.

«Motorferdsle på land og i vatn/vassdrag er forbode, likeeins lågtflyging under 300 meter og landing» jf. § 3 pkt. 2.1. I verneforskrifta er det ikkje opna for å gje løyve til motorferdsel i utmark på bar mark. Søknaden kan vurderast etter naturmangfaldlova § 48 1. ledd fyrste alternativ som seier at verneområdestyret kan *«gjøre unntak fra et vernevedtak dersom det ikke strider mot vernevedtakets formål og ikke kan påvirke verneverdiene nevneverdig..»*.

Etter naturmangfaldlova (nml) § 7 skal prinsippa i §§ 8-12 leggjast til grunn ved utøving av offentleg mynde, og det skal koma fram av vedtaket korleis prinsippa er vurdert og vektlagt i saka.



Vurdering

Søknad om transport til stølshuset på Hjølmo vart vurdert i fyrste sak, delegert vedtak 5/2022. Denne søknaden gjeld utviding av transportperioden til 31.10.2022. Dei har ikkje fått gjennomført transporten innan planlagt tidsrom, som var frå mai til 16. august i år, på grunn av mykje nedbør og vanskelege arbeids- og køyreforhold. Det er ikkje ny kunnskap om området, og vurderingane etter nml. §§ 8-12 er difor dei same som i fyrste saka. Vilkår i løyvet om å ikkje køyra i terrenget når det er mykje nedbør er overhalde. Utviding av køyreperioden er vurdert som ei kurrant sak som kan gjevast løyve til med same vilkår som i fyrste sak. Viser til vedlegg med delegert vedtak sak 5/2022 – Nærøyfjorden verneområdestyre.

Informasjon om klagerett

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova §§ 28-29. Klagen skal rettast til Miljødirektoratet, men sendast via verneområdestyret v/sekretariatet, som kan gje nærare opplysningar om klagerett og rett til og sjå saksdokument.

Med helsing

Anbjørg Nornes
verneområdeforvaltar

Dokumentet er elektronisk godkjent

Vedlegg:

- 1 Dispensasjon - delegert vedtak - Nærøyfjorden landskapsvernområde - Drægo til Hjølmo - motorferdsel på barmark

Kopi til:

SNO

Aurland kommune
Statsforvaltaren i Vestland

Vangen 1
Njøsavegen 2

5745
6863

AURLAND
LEIKANGER